



**REPUBLIKA E SHQIPERISE**  
**GJYKATA ADMINISTRATIVE E SHKALLES SE PARE**  
**KORÇE**

---

**Nr. (614)-00315 Regj. Them**  
**Data e Regj: 02.09.2015**

**Nr.684-(577) Vendimi**  
**Data:04.12.2015**

**V E N D I M**

**NE EMER TE REPUBLIKES**

Gjykata Administrative e Shkalles se Pare Korçe e perbere nga:

**SOKOL IBI - Gjyqtar**

Asistuar prej sekretares Marinela Rushi, pasi shqyrtoi ne seance gjyqesore publike, sot me date 04.12.2015, çeshtjen administrative me Nr.(614)-00315 Regj:Them, qe i perket paleve ndergjyqese:

**PADITES:** **Gjykata e Rrethit Gjyqesor Korçe**, e perfaqesuar ne gjykim me autorizim nga Ligoraq Toshi dhe Anila Xhillari.

**I PADITUR:** **1. Drejtoria Rajonale Tatimore Korçe**, e perfaqesuar ne gjykim me autorizim nga Mirela Veriga;  
**2. Drejtoria e Apelimit Tatimor Tirane**, e perfaqesuar ne gjykim me autorizim nga Mirela Veriga.

**OBJEKTI:** 1. Shfuqizimin e aktit administrativ njoftim vleresimi per detyrimet tatimore date 17.03.2015 dhe 22.03.2015 per detyrime tatimore gjobe per mosdeklarim ne afat te deklarates te tatim fitimit ne burim, per periudhen tatimore 2015/1, 2015/2 vendosur nga DRT-Korçe;  
2. Shfuqizimin e aktit administrativ njoftim vleresimi date 17.03.2015 dhe 22.03.2015 per detyrimet tatimore gjobe per mosdeklarim ne afat te deklarates te takses kombetare per periudhen 2015/1, 2015/2 vendosur nga DRTKorce.

3. Shfuqizimin pjeserisht te vendimit te Drejtorise se Apelit  
Tatimor Tirane Nr.12722/2 Prot, date 20.07.2015.

**BAZA LIGJORE:** K.Pr.Civile, ligji Nr.9920, date 19.05.2008, udhezimi Nr.24,  
date 19.05.2008, ligji Nr.9975, date 28.07.2008, ligji  
Nr.49/2012, K.Pr.Administative.

Ne perfundim te gjykimit, gjykata pasi shqyrtoi provat ne teresi, degjoi  
konkluzionet perfundimtare te pales paditese e cila perfundimisht kerkoi pranimin  
e padise, te pales se paditur e cila perfundimisht kerkoi rrezimin e padise,

### **VEREN**

Se paditesi Gjykata e Rrethit Gjyqesor Korçe ka paraqitur para kesaj gjykate  
kerkesepadine me objektin e mesiperm.

Nepermjet njoftim vleresimit tatimor Nr.663483 Prot, date 17.03.2015 dhe  
Nr.933544, date 22.03.2015, pala e paditur Drejtoria Rajonale Tatimore Korçe i  
njofton paditesit gjoben ne shumen 10.000 leke per çdo njoftim vleresim tatimor,  
per kryerjen e kundravajtjes administrative te mosdeklarimit ne afat te tatimit ne  
burim per periudhen kohore Janar-Shkurt 2015.

Nepermjet njoftim vleresimit tatimor Nr.663482 Prot, date 17.03.2015 dhe  
Nr.663480, date 17.03.2015, pala e paditur Drejtoria Rajonale Tatimore Korçe i  
njofton paditesit gjoben ne shumen 10.000 leke per çdo njoftim vleresim tatimor,  
per kryerjen e kundravajtjes administrative te mosdeklarimit ne afat te takses  
kombetare per periudhen kohore Janar-Shkurt 2015.

Nepermjet njoftim vleresimit tatimor Nr.663481 Prot, date 17.03.2015 pala e  
paditur Drejtoria Rajonale Tatimore Korçe i njofton paditesit gjoben ne shumen  
10.000 lekeve, per kryerjen e kundravajtjes administrative te mosdeklarimit ne afat  
te tarifes kombetare per periudhen kohore muaji Janar 2015.

Paditesi duke mos qene dakord me keto pese njoftim vleresime tatimore i  
kundershton ato ne Drejtorine e Apelimit Tatimor.

Drejtoria e Apelimit Tatimor me vendimin Nr.12722/2 Prot, date 20.07.2015  
ka vendosur shfuqizimin e njoftim vleresimit Nr.663483, date 17.03.2015,  
Nr.933544, date 22.03.2015 te Drejtorise Rajonale Tatimore Korçe dhe lenien ne  
fuqi te njoftim vleresimit per detyrimet tatimore Nr.663482, date 17.03.2015,

Nr.663480, date 17.03.2015, Nr.663481, date 17.03.2015 te Drejtorise Rajonale Tatimore Korçe.

Nga shkresa Nr.5134 Prot, date 15.10.2015 e Drejtorise Rajonale Tatimore Korçe rezulton se tarifa kombetare eshte shfaqur ne faqen e tatimpaguesit ne daten 13.02.2015, tatimi i mbajtur ne burim eshte shfaqur ne daten 18.02.2015, taksa kombetare eshte shfaqur ne daten 18.02.2015.

Ne te tilla rrethana pala paditese i eshte drejtuar me padine objekt gjykimi gjykates duke pretenduar se keto njoftim vleresime jane akte administrative te kundraligjshem dhe relativisht te pavlefshme.

Pala paditese pretendon se nuk eshte njoftuar nepermjet sherbimit postar rekomande nga pala e paditur per çeljen e pergjegjesive tatimore per deklarimin e takses kombetare, tarifes kombetare dhe tatimit te mbajtur ne burim dhe se nuk ka dhene pelqimin per pranimin e njoftimit ne rruge elektronike.

Mosnjoftimi passjell padijenine e paditesit per krijimin e pergjegjesive te reja tatimore, e ne te tilla rrethana paditesi nuk e ka kryer kundravajtjen administrative te mosdeklarimit te tatimit ne burim, takses kombetare dhe tarifes kombetare.

Pala e paditur ka prapesuar duke pretenduar se ky njoftim per palen paditese eshte bere nga pala e paditur ne rruge elektronike.

Paditesi duhet te bente deklarimin me vleren zero te takses kombetare dhe se padia e paditesit duhet rrezuar nga gjykata.

### **Dispozita ligjore te zbatueshme**

Ligji Nr.9920/2008 "Per procedurat tatimore ne R.SH".

*Neni 23 Mënyrat e komunikimit me tatimpaguesin*

*1. Administrata tatimore mund të kërkojë përdorimin nga tatimpaguesit të formularëve të veçantë, për dorëzimin e dokumentacionit, informacionit apo kërkesave. Kur nuk kërkohet formular, çdo komunikim, i kërkuar sipas legjislacionit tatimor, dërgohet në mënyrë elektronike ose dorëzohet me shkrim, me përjashtim të rasteve kur parashikohet ndryshe. 2. Vlerësimet, njoftimet, vendimet dhe komunikimet zyrtare të administratës tatimore, drejtuar tatimpaguesit, i njoftohen atij duke ia dërguar në adresën e deklaruar nga vetë ai: a) në rrugë*

elektronike, në përputhje me legjislacionin e komunikimeve elektronike dhe kur tatimpaguesi ka dhënë pëlqimin për pranimin e njoftimit në rrugë elektronike ose;  
b) nëpërmjet shërbimit postar rekomande.

*Neni 113 Mosdeklarimi në afat*

*Tatimpaguesi, i cili nuk dorëzon deklaratën tatimore në afat, dënohet me gjobë me 10 000 lekë për çdo deklaratë tatimore të padorëzuar.*

Lidhur me kerkimin e paditesit ne padi per shfuqizimin e njoftim vleresimit tatimor Nr.663483, date 17.03.2015, Nr.933544, date 22.03.2015 te Drejtorise Rajonale Tatimore Korçe gjykata çmon se ky kerkim eshte i pabazuar ne prova dhe ne ligj dhe duhet rrezuar nga gjykata, sepse keto dy njoftim vleresime jane shfuqizuar me vendimin e Drejtorise se Apelimit Tatimor, vendim i cili eshte objekt kundërshtimi me padine objekt gjykimi. Ne te tilla rrethana keto dy njoftim vleresime nuk jane ne fuqi e si te tilla nuk mund te shfuqizohen nga gjykata.

Lidhur me kerkimin e paditesit ne padi per shfuqizimin pjeserisht te vendimit te Drejtorise se Apelit Tatimor Tirane Nr.12722/2 Prot, date 20.07.2015, gjykata çmon se edhe ky kerkim i pales paditese eshte i pabazuar ne ligj, sepse paditesi nuk mbron ndonje interes te ligjshem duke kerkuar shfuqizimin pjeserisht te ketij akti administrativ per pjesen qe ka lene ne fuqi tre njoftim vleresimet tatimore te mesiperme ne kushtet kur ka kerkuar shfuqizimin e ketyre njoftim vleresimeve tatimore te mbetura ne fuqi.

Gjykata vlereson se qe te quhet e kryer kundravajtja administrative e mosdorezimit ne afat te deklarates tatimore, duhet qe tatimpaguesi te dije se ka detyrimin per te deklaruar nje lloj te caktuar tatimi dhe te mos e dorezoje ne afat deklaraten tatimore per kete tatim.

Ne rastin konkret njoftimi i pales paditese nga pala e paditur per hapjen e pergjegjesive te reja tatimore nuk eshte bere me poste rekomande, por pretendohet se eshte bere ne menyre elektronike, dhe pala paditese nuk rezulton te kete dhene pelqimin per pranimin e njoftimit ne rruge elektronike.

Ne te tilla rrethana pala paditese nuk ka pasur dijeni per hapjen e pergjegjesive te reja tatimore, pra per detyrimin e saj per te dorezuar deklaraten tatimore edhe per taksen kombetare, tarifen kombetare dhe tatimin e mbajtur ne burim.

Ne te tilla rrethana pala paditese nuk e ka kryer kundravajtjen administrative te parashikuar nga neni 113 i ligjit Nr.9920/2008.

Per keto arsye keto tre akte administrative njoftim vleresime per detyrimet tatimore te leshuara nga Drejtoria Rajonale Tatimore Korçe, te mbetura ne fuqi te siperpermendura duhen shfuqizuar nga gjykata, pra per keto kerkime padia e paditesit eshte e bazuar ne ligj dhe ne prova.

Ne baze te nenit 45 te ligjit Nr. 49, date 03.05.2012 "Per Organizimin dhe Funkcionimin e Gjykatave Administrative dhe Gjykimin e Mosmarrveshjeve Administrative", ndaj ketij vendimi nuk lejohet ankim, sepse objekt kerkimi eshte kundershimi i akteve administrative qe permbajne detyrime ne te holla me vlere me te vogel se njezetefishi i pages minimale ne shkalle vendi. Paga minimale ne shkalle vendi me baze te V.K.M Nr.573, date 03.07.2013 eshte ne masen 22.000 leke, ndersa njezetefishi i saj eshte i barabarte me 440.000 leke.

Per keto arsye padia e paditesit duhet pranuar pjeserisht nga gjykata.

### **PER KETO ARSYE**

- Gjykata ne baze te neneve 40, 41, 45 te ligjit Nr. 49, date 03.05.2012 "Per Organizimin dhe Funkcionimin e Gjykatave Administrative dhe Gjykimin e Mosmarrveshjeve Administrative"

### **VENDOSI**

1. Pranimin pjeserisht te padise.
  2. Shfuqizimin e njoftim vleresimit tatimor Nr.663482, date 17.03.2015, Nr.663480, date 17.03.2015, Nr.663481, date 17.03.2015 te Drejtorise Rajonale Tatimore Korçe.
  3. Rrezimin e padise lidhur me pjesen tjeter te kerkimeve ne padi si te pabazuar ne prova dhe ne ligj.
  4. Shpenzimet gjyqesore jane ne ngarkim te pales se paditur Drejtoria Rajonale Tatimore Korçe. Ky detyrim duhet te permbushet nga debitori Drejtoria Rajonale Tatimore Korçe, pas marrjes forme te prere te ketij vendimi, duke derdhur ne llogarine bankare te kreditorit shumen perkatese monetare dhe eshte nje detyrim i ekzekutueshem nga permbaruesi gjyqesor.
- Kunder ketij vendimi nuk lejohet ankim.
  - U shpall sot me date 04.12.2015 ne Korçe.

**SEKRETARE**

**MARINELA RUSHI**



**GJYQATAR**

**SOKOL IBI**



Shpenzimet gjyqesore:

1. Takse pulle 3.000 leke;

Totali 3.000 leke (te parapaguara nga paditesi).

**Shenim:** Vendimi ka marre forme te prere sot ne daten \_\_\_\_\_.

**KANCELAR  
ALEKSANDER DINO**